

# The Electronic Manipulus florum

www.manipulusflorum.com

## Maria g cum uariis

Quid nobilius Dei matre? Quid splendidius ea quam splendor elegit? Quid castius ea que corpus sine corporis contagione generauit? Et ut de ceteris eius uirtutibus taceam, uirgo erat non solum corpore sed eciam mente; corde humilis, uerbis grauis, animi prudens, loquendi parcior, legendi studiosior, non in incerto diuiciarum sed in prece pauperum spem reponens, intenta operi, uerecunda sermone; arbitrum mentis non hominem sed Deum querere, nullum ledere, omnibus bene uelle, maioribus assurgere, equalibus non inuidere, iactanciam fugere, racionem sequi, uirtutem amare. Quando ista fastidiuit humilem? Quando risit debilem? Quando uitauit inopem? Nichil in oculis toruum, nichil in uerbis procax, nichil in actu inuerecundum; non gestus fractior, non incessus solutior, non uox petulantior; ut ipsa corporis species simulacrum fuerit mentis, figura probitatis. Talem hanc ewangelista monstrauit, talem angelus reperit, talem Spiritus Sanctus elegit. Quid enim in singulis morer que digna fuit ex qua Dei Filius nasceretur?

Ambrosius de uirginitate libro II.

---

Varia in MANUSCRIPTIS (B C M) et in IMPRESSIS (P V<sup>1</sup> V<sup>2</sup> L<sup>1</sup> L<sup>2</sup>):

animi] animo P V<sup>1</sup> V<sup>2</sup> L<sup>1</sup> L<sup>2</sup>; parcior] peritior P V<sup>1</sup> V<sup>2</sup> L<sup>1</sup> L<sup>2</sup>; in *om.* (*cor. in marg.*) M, in *om.* B C P V<sup>1</sup> V<sup>2</sup> L<sup>1</sup> L<sup>2</sup>; incerto] in certo V<sup>2</sup>, in cumulo L<sup>1</sup> L<sup>2</sup>; racionem] sq *add.* (*del. intra*) C; sequi uirtutem] sequeritatem V<sup>2</sup>; uirtutem] ueritatem P V<sup>1</sup>, et L<sup>1</sup> L<sup>2</sup>; inuerecundum] uerecundum B C; uirginitate] uirginibus P V<sup>1</sup> V<sup>2</sup>, uirgin. C L<sup>1</sup> L<sup>2</sup>